



## Universitätsbibliothek Paderborn

### **R. P. D. Ioannis Ivsti Lanspergii, Natione Bavari, Illvminati Ac Religiosissimi viri, Carthusiae Coloniensis ante annos centum Vicarii, & Magistri Nouitiorum laudatissimi Opera**

In Qvinque Tomos Distributa, à mendis expurgata, veteri integritati  
restituta, & indicibus locupletata

In Passionem D.N. Iesv Christi Homeliae quinquaginta sex, Theoremata  
viginti octo, totidemque sermones. In Monotesseron Praeterea Eivsdem  
Passionis Dominicae, iuxta Euangelistarum & historiae fidem, Elucidatio.  
Conciones ad Haec Paraeneticae in praecipuis anni & Sanctorum  
festiuitatibus habitae

**Landsberg, Johannes Justus**

**Coloniae Agrippinae, Anno M.DC.XXVIII**

Iesus ad columnam ligatus flagellatur Art. & Hom. XXXII.

[urn:nbn:de:hbz:466:1-47113](https://nbn-resolving.org/urn:nbn:de:hbz:466:1-47113)

mis occasionibus orientur. Tanta autem pudicitia inesse debet virginibus aut castis mentibus, vt seipfos quoque erubescant videre nudos. Legimus sanctas virgines, præter pedes & manus, nihil in vniuerso corpore nudum videre voluisse. Inde fuit, vt apud priscos illos monachos (quod hodie quoque adhuc apud Carthusienses obseruatur) celeberrime obseruaretur, vt balneis non vterentur, non ob aliud, nisi propter pudicitia custodiam. Cæterum, quod dixi nuditatem spirituale vitandam, intelligi volo, ne à charitatis veste simus nudi, quemadmodum ille nudus inuentus est, qui non habens vestem nuptialem, ad coenam ingressus est, & iterum ligatis pedibus & manibus eiectus est in tenebras exteriores. Est tamen nuditas quædam etiam spiritualis vehementer affectanda, quæ est puritas cordis, qua homo ab omni amore, ab omni propria quæsitio, à phantasijs, ab imaginibus & formis rerum visibilium totus fit nudus atque purus, quo soli Deo nudè, purè atque simpliciter inhærere queat. Secundo, discenda est alia minor nudatio atque communior, Deo grata, vt vnusquisque suam nudet conscientiam confessori absque pallio excusationis, vt non confundatur (quomodo scriptum est) pro salute sua dicere verum, offeratque si quam sustinet, aut se pati arbitratur propter ignominiam in hac denudatione, in ignominiam Christi. Verum absit vt ignominiam dicamus confiteri peccatum suum, ac pœnitere, cum potius gloria sit. Peccare enim ignominiam habet, ac pœnitere adducit gloriam. Scias quoque certissimè, quod non solum Deo, verum etiam confessori magis eris postea dilectus, quanto purius perfectiusque te illi nudaueris. Tantum abest vt odium, displicentiam, contemptum, ignominiam vè tibi apud illum comparari putes.

Pudicitia  
quanta ca-  
stis menti-  
bus inesse  
debeat.  
Balnea cur-  
vitauerunt  
prisci mo-  
nachi.  
Nuditas spi-  
ritualis ca-  
uenda quæ.  
Matr. 22.  
Nuditas spi-  
ritualis ve-  
hementer  
affectanda  
quæ.  
Nudatio  
quædam Deo  
grata quæ.  
Eecl. 4.  
Confiteri  
peccatum  
non esse i-  
gnominiam  
sed gloriam.

IESUS AD COLUMNAM LIGATUS FLA-  
gellatur. *Articulus XXXII.*

TUNC ergo apprehendit Pilatus Iesum, & flagellauit.

Ioan. 19.

HOMILIA XXXII.

**P**ilatus paulò ante cogitans, Iesum quomodo liberaret per occasionem festi, dum nititur eum promouere vt peteretur ad vitam, magis illum infamat, latroni scelerato comparans, cui tamen à Iudæis postponitur, & vilior (cui vita foret postulanda) latrone habetur. Neque enim ei latro solum antefertur, sed Christus tunc etiam ad mortem, dum latro ad vitam petebatur. Iam videte simili modo, quomodo ad maiorem Iesu cedit pœnam, quod Pilatus tentat ipsum seruare viuum. Siquidem per flagellationem Iesu Pilatus putabat mitigandos esse Iudæos, vt videntes vehementer afflictum, cessarent ab inuidia & persecutione. Verum haudquaquam ita factum est, sed gratis sustinuit grauissimam flagellationis pœnam, quia implacatis Iudæis, nihilominus tandem sustinuit mortem. Nulla enim pœna, sed mors sola Iesu implacabiles potuit pacare Iudæos. Proinde (vt dictum est) quæcumque tentauit ad liberationem Iesu Pilatus, non ad liberationem, sed ad pœnæ & opprobrij exaggerationem illi venit. Crudelissimè itaque flagellatur Iesus ad columnam ligatus. Neque enim leuiter flagellatur, sed fortissimè, idque à validis viris, vbi flagellatoribus prioribus fatigatis, semper, alij noui succedebant. Vi-

de au-



Flagellatio  
quam fuerit  
Christo in-  
iuriosa atq;  
pœnosa.

Crudelitas  
in Iesum Iu-  
deorū quan-  
ta.

Flagellatio  
Christi tri-  
plex.

Esaia 1.  
Esaia 53.  
Psalm 68.  
Esaia 53.

Peccata no-  
stra quanta  
sint grauita-  
tis.

Flagella Dei  
quam sicut  
humiliter  
subeunda.

Flagella Dei  
cum magna  
gratitudine  
suscipienda  
Prouer 83.  
Apocal. 3.  
Psalm. 78.  
Iacob. 1.

Hebrae 12.  
Luca 24.

de autem flagellatio hæc Christo quam fuerit iniuriosa, quam item pœnosa. Nam quod ligationem attinet probrosum fuit Christo, ligari tanquam impotentem aut inagum, quem vincula tenerent, aut qui soluere se nequiret. Fuit præterea hæc ligatio pœnosa. Siquidem ad columnam grandiore (ut fertur) fuit ligatus, quam Christi brachia poterant amplecti. Proinde funibus brachia extracta perhibent nonnulli, quo manus Christi coniunctæ ligantur ad columnam. Certè ambigendum non est, Iudeorum & eorum qui illis placere satagebant, crudelitatem fuisse tantam, ut absq; vlla compalsione, quicquid Christo poterant excogitare iniuriarum inferendarum, non omiserint eidem irrogare. Atq; idè inter omnia quæ Christo intulerunt, non ea sola fuit eorum cura, ut inferrent Christo pœnas & opprobria, verum etiam maximopere curabant inferendo hunc præterre modum, quo aut grauiori torquerent pœna, aut maiori afficerent ignominia. Porro quod flagellationem attinet, fuit hæc pœnosa nimium. Fuit enim Dominus Iesus cæsus (ut multi asseuerant) virgis, flagellis & vncis ferreis, qui flagellis fuerant innexi, hoc est, scorpionibus, vnde corpus eius nobilissimum delicatissimumque, complexio item nobilissima, tenerrimaq; caro, lædebatur vehementissimè. Caro enim tenerrima non modo vulnerabatur, sed discerpebatur etiam, lacerabatur, sulcabaturq; ut locis quibusdam ossa quoque nuda paterent. Tam diu autem hoc modo cadebatur & virgis & flagellis, siue in corpus, siue in brachia, crura atq; faciem, quomocunq; illum pertingerent, donec à planta pedis vsque ad verticem capitis, non fuit in eo sanitas. Proinde benè de illo Esaia scripsit: *Disciplina pacis nostræ super eum: hoc est, disciplina quo nos corrigi debuimus, cecidit super eum: quia quæ non rapuit, exeluebat: & propter iniurias nostras ipse vulneratus est, & nos eius liuore sanati sumus.* O grauem disciplinam nostram, qua nostra vulnera curabantur. Vide quanta sint grauitatis peccata nostra, pro quibus Dei filium tantundem oportuit vulnerari.

*Flagellis quibusnam Deus suos electos visitet, quantoq; amore eadem ab ipso suscipienda sint.*

**N**on deest hic eruditio, quæ patientiæ nos admoneat, considerantes quæ benignè, quæ humiliter, quamq; promptè flagella Dei subire pro peccatis nostris nos conueniat, quando Dominus noster & iudex noster, qui peccata deberet nostra vlcisci, pro nobis ipse flagellatur, ideòq; flagellatur, ut nobis parcat. Secundò erudimur, quam magna gratitudine debeamus flagella in præsentī vita suscipere, intelligerèq; ex amantissimo id corde venire patris qui flagellat omnem filium quem recipit, sicut dicit: *Ego quos amo, arguo & castigo.* Hi enim qui futura vitæ indigni sunt, nunc in laboribus hominum non sunt, nec cum hominibus flagellabuntur: quantum pro operibus eorum bonis paucis, hic recipiunt mercedem suam. Gaudendum igitur est inter flagella, & dum multas tentationes inciderimus, *quoniam tentatio probationem, probatio autem spem operatur,* hanc videlicet, quod simus de eorum numero, quos per multas tribulationes oportet introire in regnum Dei, & de quibus Apostolus dicit: *Quis est filius quem non corripit pater? Nam si Christum oportuit pati, & intrare in gloriam Dei, quomodo nobis non inde gaudium bonæ spei oriatur, ut consortes simus ei futuri resurrectionis, qui socij fuimus passionis!*